

240.219  
-38  
部=2

景甯縣志

第二冊  
卷二 建置志  
卷三 賦役志

景甯縣知縣靈川周 木篁修

建置志

將使涖官出治興教養民以經理此邦則建置為  
重景自前明設縣來規模草創遞有興修亦解  
然畢具矣至我

朝體國經野區畫有方制度益彰美備故先之以治  
所基因而行慶施惠體統明焉科用厚生政本立  
焉造輿梁以資利涉表宅里而樹風聲與夫效轉  
法輪封崇坏土凡諸善績未始非往哲所留遺後

景甯縣志

卷之二 建置

總論

一

之人克繼長增高興廢舉墜庶其有以率觀厥成  
乎志建置

衙署

百里之命萃在堂階兼遠慮其上雍蓋以施政令非徒肅觀瞻也邑自改建今治司牧者遞加繕葺規制差崇至僚屬廳汎皆所以衷勸寅恭琴堂佐治茲特備詳制置俾知政教之所自以覃施焉

縣治

舊在石印山下康熙間令備民歷視事不棲

官舍日就傾圮乾隆三十八年知縣張九華以官

田更換民房捐廉創建今治自為記

知縣張九華新建縣署記

邑舊治在桂山石印山下康熙四十二年不戒於火燬其門四十四年堂皇復圮前宰朱君軫裔遂棄之歸民居以棲止其後官斯邑者相沿如故事而改治為倉即今備穀之所也予初蒞任慨然曰

景甯縣志

卷之二 建置

衙署

二

令一邑而無以庇予之身更何以庇予民然欲新其治資者不給往來於心者蓋三稔矣道金僱寺等永運請以官田之舊撥於寺者割五十畝易予廣居潘繼祖廬擴為縣治予嘉其意申文上憲謂曰可乃捐廉構材於某月日經始某月日落成外自譙樓內至衙舍凡若干區今而後始有以庇予之身矣雖然邑四望皆穹巖沓嶂耕稼少沃土民散處巖谷縛茅為居求如予之一椽不可得予無以庇之即曰君子庇民以德少陵所云萬間廣廈寒士歡顏者蓋詩人之虛願為政之體宜不在此顧予之德果足以庇予民否也爰書之以誌予疚

厥後官斯土者相繼修葺

葺規為署備同治元年兩次被匪互有毀折前令

饒興遺刑守道陳德漸節次補苴惟大堂下皂隸

亭未建以及前後罅漏之處同治十年冬月知縣

周杰捐廉修復如左

大門三楹 上為樓同治六年知縣陳德懋重建

儀門三楹 三門六屏

戒石亭一座 同治元年知縣饒與遺重修

公堂三楹 前知縣張九華榜日以人治人

科房六楹 大堂前東西相望各三楹

皂隸亭三楹 大堂下亭外為甬道同治十年知縣周杰重建

土地祠三楹 大堂東側

大有庫三楹 大堂西側乾隆張志載為班房二楹後移西科房外顏曰演廳

宅門一楹 大堂後內為屏門

二堂三楹 前知縣張九華榜曰平政堂又曰政簡刑清

景甯縣志 卷之二 建置 衙署 三

二堂廂房六楹 左右各三

會客齋三楹 二堂西側前知縣李作幹重修榜曰懷清

內庫房二楹 二堂東側

後堂樓屋五楹 為內宅

後堂廂房六楹 左右各三

東書房三楹 後堂東隔以牆

西書房九楹 舊分三所同治十二年知縣周杰重建

庖厨一所 附後堂西側同治十年知縣周杰重建

皮閣一所 附庖厨西側同治十年知縣周杰重建

監獄一所 治西典史署同治元年嚴前縣饒與遺草創修復今知縣周杰議設法重建

典史署 在治西常平倉前左側乾隆間知縣曾一

貫建社倉九厥後漸傾廢始創其地改建今署大

門內為治事廳廳左為官房右為廚房廳右為

內宅 以上書房 右為庫房 在城社倉

教諭署 詳見學校

訓導署 詳見學校

防弁署 在治西常平倉後右側康熙五十年知縣

張琢即按察分司遺址改建為武嘉慶間駐防弁

遞加修造前當五楹左為軍器局右為協防宅及

後堂五楹右為駐防宅再右為副房左建演武廳

其前縣志 三卷之二 建置 衙署 正

大門左為土地祠右為砲房俱西向道光間重建

改南向前後各三楹同治元年砲房土地祠匪燬

十二年防弁項德清王善臣捐餉倡建并修

附 諸遺址

舊縣治 在石印山下原縣治址 史記其積五明景

泰三年知縣楊殖宗建 乾隆張志 治之廢出於

復居之至康熙二十一年惟存監獄知縣劉宗滿

與修工未竣遂致仕去嗣任未有營事

縣丞衙 在舊縣治東側

主簿衙 在舊縣治西側

沐溪巡檢司 在石印山麓自舊屬治後有明洪武五年建

後徙大滌改其址為按察分司

廬山巡檢司 在三都明正統五年建後裁去改為廬山官倉

大滌巡檢司 在五都明景泰三年建後裁去改為大滌官倉

布政分司 在縣北明時初建儒學西側年失考後改為義園

按察分司 卽沐溪巡檢司遺址明景泰三年改建

後遞有修廢今為防弁署

督礦局 縣西一里明天順間縣丞陳鏞建

醫學 縣北六十步今鴉峯書院門左地是明景泰三年立

陰陽學 縣北七十步厲祭壇側明景泰三年立後改為桑園

景甯縣志 卷之二建置 五

渤海驛舍 在一都明正德七年建為使客通青田

驛路

高洋驛舍 在四都黃垓隘明正德七年建為使客

通慶元驛路今址尚存

公建

一夫不獲時予之辜古先王念切桐廩固若是其靡盡矣邑舊有養濟育嬰之設計額授糧仁周無告近復奉文建衆善局養生送死兼荷幘幘蓋

聖朝累洽重熙而一時食德飲和者咸踴躍樂輸以成其事上好仁而下好義斯言當與諸君子勉之

養濟院 原在會衢門外五十餘步明成化十九年  
主簿周廉建久廢後徙於社稷壇北十餘步造草  
屋十餘間為孤貧棲身之所因內多癡瘋之人真  
實孤貧不敢同住遂為癡瘋院 今廢址墾種花息  
仍歸孤貧人收  
國朝雍正十三年知縣李應機奉文清釐另建瓦屋十  
二間於社稷壇後別其內外以免男女混雜歲久  
漸圯乾隆四十三年知縣張九華奉文重建今圯  
久矣

育嬰堂 舊在城隍廟右久毀雍正十二年知縣李  
應機奉文捐建於城隍廟左後廢為廟祝居同治

景甯縣志 卷之二 建置 公建 六

七年知縣邢守道因別設保嬰所 在衆善局 擇董捐輸  
未竣避任去同治九年知縣周杰諭飭催收按照  
定章以置增租息焉

衆善局 在縣治西即常平倉後曠地同治七年知

縣邢守道建內分四所擇董經理以專責成並題

今額 知縣邢守道衆善局題跋歲戊辰予宰是邑  
奉文辦善後集都人士議建衆善局分設施  
棺收埋保嬰惜字四所民輸其資紳董其事申狀  
於大府報曰可得邑中一二好善者傾金助財益  
之以俸先就舊倉餘址構正屋三楹左右廂各二  
楹西向設門環以牆七月興工八月蒞事究度而  
經營之予少尉丕基與  
有勞焉勝成於是乎書

施棺所 擇紳董設施棺會捐租出息遇有死無  
所歸貧不能殯者查明屬實給棺殮之

收埋所 著金仙寺僧提相拾捌石另儲作費於寺

恭露骨殖隨時俵工檢拾埋之年年終邀董楷其出

入有餘仍歸寺內積蓄如費用不足著寺內彌補

同治九年經董潘蕃湯金鏞徐

延揚收埋一次在寺山左側

保嬰所 擇紳董城鄉勸捐置租出息有極貧產嬰

惜字所 擇紳董立會於四坊潔地置紙爐每月

附載保嬰局董洪乃漣葉篤貞陳銘潘迺宜經手

置買租數列後 一土名後院頭大路租壹石

一敬山宮後五墳底租叁石 一奠府前塘園租

肆石 一山外租貳石 一田洋墩租貳石伍

墳租叁石又加租伍斗 一金仙寺洋牆園底租

壹石伍斗又加租貳斗 一金錫庵前大園底租

叁石又加租伍斗 一墓洋湖金山嘴租伍石貳

斗 一洪乃博捐跋土名油田烏石崗坵租伍石

石勘坵租貳石伍斗又加租壹石 以上其租

景甯縣志 卷之二 建置 公建 七

叁拾壹石肆斗額坐育嬰堂戶 舊

置田租概已列入餘俟買定補載

以上四款各有章程辦理凡有善舉俱在局商議



倉儲

周憲人學委積頌歛以時為後世積儲所自始

舊設常平鄉社諸倉蓋藏頗裕嗣經兵燹蕩廢

無存今幸海宇肅清年書大有府民力為

籌補斯穀府孔修國計民生賴之

常平倉 卽舊縣治遺址康熙間案新建

熙張志儀門內際留倉明知縣建浙江通志

舊預備倉在縣西南伯明滿歷六年知縣林喬

松建顏日國計稱名嗣後知縣張琢黃鈺張九華

互異其實皆今址

次第添修同治元年均被匪燬

廬山官倉 在三都卽巡檢司遺址凡五廩

大際官倉 在五都卽巡檢司遺址凡三廩

東院官倉 在五都凡六廩

章院官倉 在五都凡五廩

以上鄉倉四處俱雍正八年知縣在土壩建乾隆

開知縣黃鈺復加添造其燬同治元年並遭匪

毀惟廬山東院二倉尚可修葺餘則僅存基址

在城社倉 在縣西典史署內右側前知縣曾一貫

為今典史署宅道光四年知縣李文熊奉文鼎建三廩周

以牆垣同治元年匪毀至四年署縣鄭國士修其

左廩十一年知縣周本復修右廩皆以存儲坊郭

社穀 在城七都初捐社穀壹百陸拾伍石捌斗續捐社穀壹百捌拾捌石柒斗其實存倉穀三百伍拾肆石伍斗

各都社倉 在眾善局內同治十一年知縣周杰飭

董分建現二五六都於左側各創一廩一三都於

右側各創一廩四都於左側外另創一廩皆以存

儲捐穀 內一都初捐穀貳百零伍石柒斗續捐穀貳百貳拾捌石伍斗除建倉經費穀貳拾

肆石實存穀肆百壹拾石零貳斗二都初捐穀壹百叁拾捌石貳斗

除建倉經費貳拾肆石共實存穀貳百陸拾柒石

陸斗三都初捐穀壹百伍拾壹石叁斗續捐穀壹百伍拾貳石肆斗

實存穀貳百柒拾玖石捌斗四都初捐穀壹百肆拾肆石伍斗除建

倉經費穀貳拾肆石共實存穀貳百陸拾玖石

景甯縣志

卷之二建置

倉儲

九

五都初捐穀捌拾陸石捌斗續捐穀壹百貳拾壹

石肆斗除建倉經費穀貳拾肆石共存穀壹百捌

拾肆石貳斗六都初捐穀柒拾陸石叁斗續捐

穀玖拾柒石貳斗除建倉經費貳拾肆石共存穀

壹百肆拾玖石伍斗

以上城鄉社倉同治五年知縣陳德漸奉文擇董

初捐社穀其玖百捌拾叁石陸斗同治十二年知

縣周杰諭董續捐除建倉經費外其穀玖百叁拾

壹石貳斗總其實存穀壹千玖百壹拾肆石捌斗

案舊志載社倉不一在城者寄金錫庵在鄉者有盧山秋盧大際東院各處均前乾隆間知縣曾一貫建遞多圯毀後并為官倉至明知縣姜師閔建錢山赫峪社倉早經墜學田其雲水油田盧山葉橋庫村等倉皆知縣陳廣之建以儲水處寺租學田為充餉備賑計今以廢無考矣

水利

古者敷澤之利與民同之蓋在乎廣川巨浸邑中  
山谿紛錯市絕魚鹽惟是一法流注者築堤堰而  
田賴以耕用縉瓶而井安於鑿則利之所溥民  
以生固無殊於河海之潤也

隄防田止水俱在縣前

永樂隄一名永平隄上起張村下接跨龍隄明萬  
曆十五年知縣姜師閔築典史楊翰督工  
南田得灌概之利比居無冲决之虞易改礮而  
圃者十餘頃後湮於水自行春門至南門田廬屢  
遭漂沒有心者所宜思患預防亟倡率以圖興復乎

跨龍隄舊承恩門外攀桂橋頭起下達莘田始建  
之年無考當時化沙礮為膏腴者四五頃

景甯縣志

卷之二建置

水利

十

雖湮圯而田之隨沒隨墾亦復不少今其址有  
日烏礮曰北武礮未始非前人有以肇其端也

堰築水灌田城鄉並載

縣前堰築鶴溪水由行春門外達西門灌  
田頃確並資其利據省郡二志補

湯村堰在縣東牛里灌敬山官  
洋田據省郡二志補

梅莊堰在縣東三里許灌本莊田又  
名官堰省郡諸志作楊莊誤

干工堰在縣東十里許築礦院水灌東衙田堰長  
五里相傳築時幾費千工故名省郡諸志

作庫院疑即礦院之誤

釣臺堰有二在縣西一里俱築塵溪水一由溪東  
灌金錫庵下田一由溪西灌葉府前下田

烏衝橋堰在縣南四里許築苞鳳麓  
並烏衝橋水灌橋外洋田

塵溪堰在縣南六七里築塵溪水灌烏衝橋底  
洋田省郡諸志俱作與頭堰俗呼亦同

分水均堰 在縣南十里灌

破爐寨堰 在縣西豸山下築鶴

西村堰 在縣西金德寺下築鶴溪水灌

塘衙堰 在縣北築縣前溪水由司前橋頭

後司堰 在縣北舊布政分司後故名上下凡二並

前路堰 在縣北源出鴉峯書院後俗名院衝底流

鴉鵲巢堰 在縣北今烏磧上武磧外築

莘田堰 在縣北元壇廟後西流出錢山宮轉北過

舊志所載 泗洲堂堰

以上坊郭堰十五舊志載其七今倍之似為繁瑣

景甯縣志

卷之二建置 水利

十一

顧田依水為命農人賴焉一經旱涸易啟爭端故  
不憚詳審疆界而覩縷言之如此

都一 雲水堰 灌內

大瀦堰 灌三

小順堰 灌赤

都二 北岸堰 灌三

油田堰 灌金

獨山堰 灌楓

金鐘堰 灌五

大赤口堰 灌下

竹灘堰 灌大

豫章堰 灌七

仙姑堰 灌東

七里洋堰 灌四

都三 道化堰 灌頭

廬山堰 灌下

木排頭堰 灌季店田

徐崇堰 灌源村田

英村堰 灌下洋田舊作灌北岸田

薯山堰 灌外洋田

篆滌堰 灌高洋田

秋盧堰 灌源下田舊作灌源頭田

四都 庫下堰 灌內村田

小地堰 灌外村田

大地赤巖堰 灌西畔田

龍集滌頭堰 灌滌下田

柳山頭堰 灌林下田舊列五都

五都 慕嶺頭堰 灌滌邊田

張源滌頭堰 灌小源田

大滌堰 灌洋頭田

東溪堰 灌洋尾田

東阮堰 灌阮下田

章坪堰 灌中村田即今章阮

景甯縣志 卷之二 建置 水利 三

六都 大赤洋堰 灌洋尾田舊列五都

均阮滌頭堰 灌阮底田

深洋林源堰 灌洋邊田

倂根堰 灌鐵場田

梅歧堰 灌村顯田

以上各鄉堰三十七舊志載悉湮於水存者無幾今為廣諮博采父老相傳或有堰仍舊而稱名殊或有名雖存而堰已改梯田險阻廢置靡常姑依舊錄之以見經營所自始而待夫後之修復者

井 古稱市井 專紀城坊

縣前井 即官井味甚甘互詳山水

上橋井 在縣東後阮石橋頭

橋兒井 在縣東行春坊旁有小橋

上葉井 在縣西即鶴井味與官井相匹

塘衝井

在縣北城隍廟左側

武廟井

即在階下大旱不竭

錢山井

在縣北元壇廟前右

玉泉井

在縣北莘田道旁互詳山水

### 桑園

東南之利蠶桑此邦豈獨殊焉何其麻有藝而桑無條也黼黻文章事關盛治方今

聖天子衣被萬方凡所以為斯世女紅計者至深且切田而弗桑則土宜之廢半矣爰亟書以示勸行見念授衣而思載績盍與歌七月之詩

第一官種桑園

在縣北錢山宮下

後墾為學田

第二官種桑園

即布政分司遺址

後墾為學田

### 景甯縣志

### 卷之二 建置

桑園

十三

第三官種桑園

即陰陽學遺址

今為旗纛廟

第四官種桑園

在縣北外卸

後并為義塚

以上桑園四所俱明萬曆十三年知縣姜師閔置久經廢改近又奉文買桑苗栽種誠舉而行之則十畝開闢亦可以收蠶織之利也

### 審治

形上為道形下為器鐵耕醜農民生日用基之矣有明爐也及閭閻自封禁後邑人所利賴者特坐齋養望是為雖逐在錐刀亦百工所有事也茲並紀其處以俾知興利除害在乎各適其宜焉

窰

缸罈窰

凡二處一在縣北外卸一在五都大滸俱停作無常

甄瓦窰

無常所雍正間縣北石獅岡設內外二窰今仍舊業

石灰窰

在縣西五里包山居人數世業此藉以資生舍此則弗能為良地脈然也

冶

鼎鑊爐

凡數處或在城隅或在鄉部俱停作無常

以上四項皆民間宮室日用之需雖非禁例而諸

窰之取土伐巖不無虞於崩洩執業者當擇幽僻

閒曠之所為之以無礙於田園廬墓斯民生為有

濟矣

景甯縣志

卷之二建置

窰冶

十四

附廢阮諸址

礦阮

嶺坳阮

在一都東至大滸十里南至鮑岸五里西至包岸八里北至雷水十五里

渤海阮

在一都東至本村一里南至金鐘十五里西至茅草十五里北至縣六十里

陶洲阮

在二都東至包山十五里南至大溪十里西至周阮口十五里北至西村五里

下場阮

在二都東至包山五里南至上場五里西至大溪半里北至大溪半里

道化阮

在三都東至黃垓監百卅里南至小地北五里西至道化十里北至楊山頭六十里

大洋阮

在四都東至赤巖十里南至橫山頭十里西至包山十里北至嚴阮十里

張墩阮

在四都東至大地十里南至大溪十里西至余公岱六里北至葛家地二十里

蘆西阮

在四都東至毛洋十里南至慶元界三十里西至黃垓監四十里北至秋廬十里

大際院 在五都東至青草隘九十里南至石佛隘五十里西至何莊三十里北至京岱廿里  
吳四院 在六都東至趙院頭二十里南至綠桐六里西至青田境廿里北至古樓三十里  
十八插院 在六都東至青田季竹村八十里南至青田下洋村一百里西至汪木院三十里北至綠桐  
隘五十里

破院

縣南院 距縣二里許自石牛山麓以至金坑一帶山野石確土崩即當年淘沙故址  
戴鐵冶爐 無常所今考城隅廢治凡二一在豸山舊各爐寨因禁後爐破人呼為破爐寨明時知縣鍾夏嵩建書院其上始改今名一在縣北分爲上治爐洋下治爐洋數百年來盡爲田壤未能確指其所  
在矣

舊志論曰近寶之國其民必貧爲其不力本也明

景甯縣志

卷之二建置

審治

十五

時邑銀院十有一歲輸課額四千四百四十六兩以內臣監之利歸豪右謀攤齊民宏治九年知縣林謹夫申文御史楊亨嘉靖十八年兵憲胡有恒知縣王三接相繼封閉藉民兵以偵緝之計亦周矣然鼠竊者猶復耽耽淫慶五年致有平昌之變見武自縣陳嚴之招撫後而礦脈始絕至舊諸備門鐵冶岡巒破碎傷天地之和塋兆摧殘擾人鬼之怒此其業爲最不仁者因並詳其始末俾賢司牧防微杜漸得隨時以善其後云



津梁

粵自詩詠舟子招招易占幽人坦坦古人所以康濟斯民者迄今猶堪追念也緬惟邑者擇衝要以設橋渡其興修更僕難數故或聲雜漁謳舟楫之游行自在波橫虹影樓臺之圖畫天然至於救做而補偏尙有待後之君子

渡

北岸渡 在縣北十里外卸前即北岸官編渡夫三名道光六年

重修有碑蘭谿章元楫外卸義渡碑記竊謂事實善始尤貴善繼豈始事者故留缺陷必

待繼起者運籌而成哉誠以滄桑更變昨是今非有不得不得待後人以策其萬全者景邑外卸北岸

景甯縣志

卷之二建置

津梁

六

中阻溪流非舟莫濟所謂咫尺雲山千里隔者此也况當霖雨暴漲奔騰澎湃雖只一葦可杭善操舟者神工較分寸即脫須臾之險昔人曾設扁舟以濟往來然經費未備暫而不久未免臨河喚渡舟子索舫致為行旅之累模思先人同邑內好善諸公捐資集事置租修造以為長計無如租息所入為數不多鳩工庀材價值倍徙從前積少用多日見虧絀且掌渡者既乏寸楮症身又無升斗給食泊舟河岸聽其存沈不歸於中流即破於崖石望洋驚阻者時常有聞若非繼起而振興之何以細前徽而復義蹟爰與向時同事父執重新募捐增跋租田幸同志者鼎力贊勸構基於北岸築室五楹為舟人居宿行人息肩之地經始於乙酉六月越一歲而告成請縣給示禁索渡錢立石紀事以防淫沒今後典守有人口食有資洵無患矣善美乎然有租課以資用度即有缺失亦易為力則模今日之舉亦不無小補云計開租數外卸五顯廟后租貳石伍斗又杉樹灣租壹石貳斗

又桐子峯租貳石伍斗。又石橋坑潭墘租貳石。又水羅樹內台租壹石捌斗上。其租拾石正。一潘朝棟跋白墳前租伍石伍斗。一吳調元跋張村官州租貳石。一廖茂森跋後坑寮基租壹石壹斗。一重建慈船會置買租柒石正。有慈船會戶額田拾壹畝陸分貳厘。

埭口渡 北岸上游距縣十里 有埭口渡戶額田叁畝

伏阮渡 上游二十里

浮傘渡 上游二十五里 互詳古蹟 明知縣鍾夏 嵩傘渡春濤詩 古渡春雷

動桃花浪欲生片雲三島遠孤喚一潮平樹繞神僊國溪通錦繡城橫舟頻擊楫莫負濟川名 官編渡夫有浮傘渡戶額田叁畝玖分玖厘

梧桐渡 上游五十五里上下二處 乾隆張志隔岸崖壁間舊有路甚險人數踣斃因設渡 邑人陳耀寰過梧桐村渡詩幾喚梧桐渡口船溪藍山翠兩相鮮此中佳

景甯縣志 卷之二 建置 津梁 七

處還須問可有裴王住輞川 路轉沿流松竹林竹陰穿過又松陰人家只在林間住祇見村烟裊出林 上名永濟渡乾隆十三年捐置租柒拾秤里人李之俊又跋租叁拾秤其額田拾畝伍分貳厘零 下各待岸渡有額田拾肆畝貳分玖厘

標溪渡 上游六十五里 官編渡夫有標溪渡戶額田肆畝肆分

萬圩渡 在標溪內支流入大溪 有萬圩渡戶額田貳畝

楓林渡 距標溪十五里支流入大溪

仙姑渡 上游七十里

沙灣渡 上游八十里 在沙灣圩頭柳姓於圩頭建渡屋買租肆拾肆秤立沙灣

渡戶額田貳畝叁分叁厘

七里渡 上游八十里 康熙十三年里民楊守鳳設立渡船并捐租貳拾秤值亭

一所以為渡夫日食夜宿之用  
後因船損失修今官編渡夫

道化渡 上游九十里

蓮埠頭渡 上游一百里 官編渡夫 乾隆間里人移設於

名岱根渡有戶田壹畝捌分伍厘  
又義渡會戶額田壹畝伍分伍厘

盧溪渡 在盧山村支流入大溪 置租伍拾秤有盧

山渡戶額田  
叁畝捌分

鴈湖渡 距廬山十里支流入大溪 有鴈湖渡戶  
額田貳畝零

黃楊口渡 距廬山二十里支流入大溪 有船埠頭  
戶田肆畝

庫頭渡 上游一百二十里 舊志載官編渡夫  
後改入蓮埠頭渡

毛洋渡 上游一百三十里

景甯縣志 卷之二建置 津梁 六

玉章渡 上游一百三十五里 官編渡夫有玉章渡  
戶額田貳畝玖分

白岸渡 下游十五里 嘉慶二十二年里人王文輔  
跋租貳石 毛肇珍捐置租

拾伍石貳斗 有白岸  
渡戶額田捌畝零伍厘

大常渡 下游二十五里同治四年里人捐置

官渡 下游三十里 官編渡夫二名有和義渡  
戶額田肆畝陸分貳厘

金鐘渡 下游四十里 嘉慶間普覺寺僧自願德福  
跋六都安亭北山租貳拾籬

有金鐘渡戶額  
田捌畝伍分

湖邊渡 在金鐘下游今廢

石塘口渡 下游五十里 道光間里人置  
租叁拾壹籬

醮嶺渡 下游六十里 舊名渤海渡  
又名上元渡

包岸渡 下游六十里

官編渡夫舊名雲水渡乾隆二十九年知縣陳聯拔撥迴

龍庵租拾石立陳義渡戶額田拾壹畝陸分玖厘零又預備義船戶額田叁畝正

鮑岸渡 下游六十五里

乾隆三十九年知縣張九華撥迴龍庵租拾籬以生

員鮑文璠經辦立鮑岸渡戶額田肆畝玖分

大瀦渡 下游七十里

官編渡夫村前隔岸茶堂渡夫家邊有渡租捌石

大順渡 下游九十里

順濟渡 下游九十五里

舊志作永濟誤有順濟渡戶額田貳畝肆厘

鶴口渡 下游一百五十里

隔岸嶺根屬青田界

橋

豐樂橋 在縣治前

一名官橋 康熙四十二年燬於火 舊

景甯縣志

卷之二 建置

津梁

十九

志作攀桂橋考明知縣鍾夏高秀山書院記自黃鶴亭築跨龍堤攀桂橋以至山麓其與今縣治相距甚遙疑即鶴溪橋遺址然已世遠而難徵信矣

上橋 在縣治石明邑人湯汝迪建同治元年匪燬

十二年廸齋孫啟選重建

下橋 在縣治左舊燬於火康熙四十四年重建改

睡僊橋互詳古蹟 雍正十二年知縣李應機并上橋同修

嘉慶十二年燬今架木為之

橫街橋 在睡僊橋下十餘步亦名下橋里人湯吳

葉三姓造道光二十二年燬今裔孫架木遞修

雙坑橋

在上橋左凡一一在水井頭俱架以石

冬至橋 在縣西門外架木以濟達縣前舖常於冬  
至日會計歲修經費故名

鶴溪橋 在會衢門外長七十二丈跨瀨聯洲直接

豸山麓疑即攀桂橋舊址乾隆四十一年知縣張九華重

建橋成邑人毛啟元膺丁酉瀕薦人謂攀桂之兆後湮於水

望鶴橋 在縣西三里碧苔庵麓為前溪勝概庵廢

橋亦因之漸毀矣

舖前橋 在縣西金錫庵右側架木為之

釣臺上橋 距舖前橋二十餘步石築道光十三年

水冲今里人移於上葉村

景甯縣志

卷之二建置

津築

烏衢橋 在縣南三里石築上蓋屋五楹雍正十一

年知縣李應機倡修乾隆十三年邑人潘甫生捐土者四隅路下租肆石又橋

頭阮邊租壹石陸斗建同治元年縣人潘甫生捐屋二間俾住守人濟茶

聚德橋 縣南五里案通志同治元年縣人潘甫生捐

三石橋 縣南十里同治元年里人夏仁聲重築

雙雲橋 在縣南十五里葉源上蓋屋三楹

烏橋 在縣東五里張村入廢今里人架之以石

礦阮橋 在縣東南十五里今黎凡三皆石築以上坊郭

案此外前志載縣前兼濟橋明典史萬錦建縣城西阮橋明主簿鮑德彰建縣南下阮橋監生湯球妻潘氏建並縣北八十步忠順橋皆久廢為康熙雍正二志所不登者茲仍附紀其名以備考云

回塘橋 在葦草同治十年里人吳乃成築

嶺根橋 在村外水口凡七楹嘉慶八年建

步雲橋 在徐山水口同治五年築

永鎮橋 在徐山嶺脚長十八丈凡十五楹同治二

年里人倡建

金阮橋 在上畚嶺後金山亭底同治四年里人吳

乃成築

大粗橋 距葦草下游五里

石塘口橋 在村內水口凡五楹里人捐建

渤海橋 久廢基址無考

景甯縣志 卷之二 建置 津梁 廿一

雪水橋 在村內水口久廢今重建上蓋屋三楹

山前阮橋 在雪水下游五里同治九年築

通濟橋 在大瀦下礮根一名礮根橋道光間里人徐長

信倡築咸豐四年圯於水今復修

會龍橋 在嶺里下石上屋凡九楹乾隆間建以上一都

洪嶺橋 在北岸源內距縣十里為達郡要道明隆慶五

年知縣陳嚴之建

國朝知縣高棠萼李應機歷任修葺至嘉慶間邑人募

捐始易以石咸豐七年大水冲圯同治十一年知

縣周杰倡築改造今址知縣周杰重建洪嶺橋記予泣鶴溪之五年凡興築

便民者輒不惜多方獎勵力圖修復去縣北十里  
曰洪嶺赴郡必由之途也舊於嶺脚設有木橋繼  
易以石歲久傾圮往來上下徒艱於步每值夏雨  
秋霖澗流暴漲蹙裳莫步行者病焉戊辰冬初予  
承乏茲土入境先經此橋次年巳巳公事之暇與  
邑紳董謀議興建以工鉅費繁且經理難得其人  
躊躇久之上年春舉行科試得吳生乃成卷拔冠  
童軍試竣來謁語及橋工毅然引為巳任於是卜  
日鳩工運石選材累址於淵醜水為二道高二丈  
六尺長十二丈廣丈有五尺周一歲而橋成四方  
行旅共適坦平肩摩踵接眾口稱便是役也予指  
俸百金以為倡又得郡人士踴躍飲助糜費二千  
有奇始事於壬申三月訖工於癸酉五月襄其事  
者葉君向榮潘君采藻葉君篤貞吳生乃成周士  
希頤師熊吳生占標燿坪陳生建邦繼昌李嘉惠  
俱湧躍從公其士民中之尚義捐資篇隘未及備  
載行將鐫之貞  
珉永垂不朽云

沈莊橋

距嵐頭五里

屬雲和境

赴郡必由之明隆慶間

景甯縣志

卷之二建置

津梁

世

邑民黃五得瘞金而築

國朝康熙間知縣高棠萼嘉慶間邑人遞修同治七年

圯於水至九年邑人捐貲重築

滙頭橋

在村下里許石築

一名上築橋

滙下橋

在村上里許石築

一名下築橋

上翁橋

距白岸上游半里咸豐七年里人捐築同

治七年大水冲圯至十一年重築

遂中橋

在白岸源

原名樹砧橋

同治三年築改今名

包山橋

在村內嘉慶十五年里人築

其稍上者別有上湖橋

陶洲橋

在村內道光十九年里人築

成美橋 在大赤阮道光二年邑人張綸捐貲倡建

訓導閔思端成美橋記天下有大美存焉人競趨之然人之為美者美其所美非君子之所謂美無他利與善之間而已以利為美者自以為美而不美者即乘其後以善為美者不自以為美且垂其美於無窮古今來見善不為趨利若鶩者無幾焉即有知其善而為之以為非我所當獨任則未免有人之見存矣即無人之見存而必欲自我獨造其始以博一日之美名又未免有己之見存矣書曰善與人同又曰君子成人之美豈必專在己乎邑西十五里曰大赤阮其沿河一帶上通龍慶下達甌江非特為三四五都要路向因溪水暴漲人多病涉甚有半渡而斃於非命者嘉慶十五年前明府方公倡建橋之議貢生李鑑堂肇厥基址而木料沮於洪流事遂中止越十餘載四都諸君子謀於國子上舍張君從焯張君慨然曰此美舉也善始者不欲其善終非恕也始於人而不樂終於己非義也始之終之精有人己之見介於懷非與人為善之道也爰命其子邑廩生

景甯縣志

卷之二 建置

津梁

三

綸鳩工庀材甃於地木於山其搢紳士民捐輸未足者益以已貲經始於本年閏三月之下浣迄十有一月而功畢鴈齒排空鼉梁架木雲霞吐納倒影流光凡行者止者莫不履康莊而歌坦途名其橋曰成美所以示不忘始事之善也工既竣請記於予予嘉上舍之樂善而不存人己之見也不敢以不文辭爰述其顛末為後來向善者勸焉 同治元年燬於匪三年

邑人葉鳳端柳冠東張秉榮李吉枚倡捐重建

梧桐橋 在村左上 乾隆四十九年知縣張球建

久廢 同治八年重建

橋頭橋 在橋頭村 距標溪十里

豫章橋 在村內水口 同治十一年重建

龍井橋 距七里村五里 同治五年里人倡築 以上二都



庫條橋 距廬山下游十里同治七年築

永蔭橋 在廬山咸豐九年林殿邦嚴天日倡建

徐崇橋 在村內下石上屋橋頭蔭木四十餘年  
又有岡頭橋在屋下

梅深橋 在村內凡十五楹嘉慶七年重建

壘下橋 凡二一在村頭曰步雲橋下石上屋  
一在村內同治七年重築以石

普度橋 在英村凡十七楹有樓乾隆三十九年里

庠吳作梅作楫作基倡捐重建  
又有毛院口橋

院口橋 在英村水口又有院  
下橋上九楹同治九年築

高橋 在粗壘嶺脚同治八年重築

定度橋 在木耳口兩水合流處凡十餘楹

景甯縣志

卷之二建置

津梁

廿四

長灘橋 在木耳口上游凡九楹

鎖翠橋 在黃謝圩凡十餘楹

洪源橋 在村口乾隆間里人柳長青倡建

葉橋 在葉橋村口下石上屋

清慶橋 在張院村下石上屋道光八年重建以上  
三部

案雍正府志載三  
都吳村橋今無考

小地橋 在村內下石上屋雍正十二年知縣李應

機重建

慶安橋 在大地水口舊名永  
濟橋凡十七楹嘉慶九年

知縣游朝佐重建改今名

大洋橋 在村內水口

平安橋 在葉院下水口

福安橋 在謝院水口

廣濟橋 在葛家地水尾凡十七間嘉慶廿四年建

利濟橋 在芎岱嶺脚凡十五楹同治十年建

秋盧橋 在村內康熙五十六年僧大因建

後院橋 在村內同治二年里人築上蓋以瓦

濟川橋 在張村凡二十餘楹明知縣陳巖之建

通德橋 在澳頭道光二十七年重修又吳院封鎮橋嘉慶間建

後溪橋 在村內凡二一曰萬安橋上達慶元四都

景甯縣志 卷之二 建置 津梁 五

大滌橋 在村內凡三一在宮洋曰馬德橋一在西岸曰胡大橋一在水口曰水

瓦俱里人捐建

永濟橋 在小左村口石築道光二十八年圯今架以木

東埠橋 在村內同治六年重建

護峰橋 在何莊村口道光八年里人倡建

高演橋 在村內凡三一曰環勝橋一曰清俱乾隆

嘉慶間里人捐建

楓林口橋 距楓林村里許同治四年石築

普濟橋 在柘灣林斗凡二十一楹同治十二年建

半溪橋 在村內凡十餘楹

永豐橋

在程田村咸豐二年重建

里人徐登瀛承豐橋記古今無

難事而患無人亦古今無難人而患無方程田下  
游數武舊有石橋最為西南諸鄉要衝其間創始  
年月無考迨道光戊申秋忽罹水患巨浪奔激基  
礎蕩然大為行旅之病同里何君希元素以行義  
推重於鄉輒不惜多金首捐為倡四方人士咸樂  
飲助焉而予因亦得贊襄其事工既竣其輸賦姓  
氏均勒之石以垂久遠由是規模屹峙行者于喁  
而古今所謂最難事者皆得以人力相懋勉予以  
之自勵卽以之嘉何君故不辭而為

上標橋

在村上下凡二

一在上洋水口曰上洋橋  
下水門二凡十五楹一在

下洋水口  
曰羅江橋

東溪橋

在村上下凡三

一在上村洋曰紫霞橋嘉  
慶間建凡十三楹一在下

村洋曰下村橋一  
在水口曰神堂橋

俱達關要道

景甯縣志

卷之二建置

津梁

其

永安橋

距東院五里

在白鶴溪下  
游原名謝橋 康熙三十一年

重建凡十五楹道光十年燬於火十二年里人倡

捐始築以石改今名倚壁如虹頗為衝要

東院橋

在村內外凡三

一在村頭曰雙溪橋一在  
村內曰清安橋凡九楹一

在村口曰觀音  
閣橋凡十一楹 俱里人倡建

平橋

在東院水口二里許凡七楹

徐壘橋

在村口里人倡建

懷勝橋

在章院村中咸豐十一年建

接龍橋

在章院村下游二里俯臨溪上凡十七楹

嘉慶九年知縣游朝佐改建過此卽達泰順

以上五都

大赤橋 在大赤洋村口康熙四十八年築久廢

朱阮橋 在村內水口道光間里人捐建

滌頭橋 在滌頭下村咸豐十一年里人倡築

丹橋 距滌頭上游里許咸豐間里人鄭修文築

梅溪橋 在礪頭嶺底洋嘉慶十四年築咸豐六年

地於水今架以木里人杜建樸杜世秀杜一梅共捐租叁石以資興築道之用

同治十二年里人夏仁聲重築以石

雙港橋 距大赤洋二里石築咸豐六年圯里人杜建樸築以石

環龍橋 在桃源道光十年里人倡築咸豐五年大水沖沒今架以石梁

景甯縣志 卷之二 建置 津梁 七

白鶴橋 在村內案浙江通志橋在縣南四十里以建時有白鶴羣築故名久廢

道光十一年里人倡築名築安橋二十八年湮於水

龍潭橋 在龍潭背乾隆十四年建今凡三修

新平橋 距龍潭背五里乾隆四十七年知縣李大

鼎建

龍腦橋 在王木阮通志作黃木阮擲石跨崖高數十丈甚

為扼要明嘉靖間建其址即龍首關

會龍橋 在梅歧村石築

永安橋 在下莊水口石築

安慶橋 在綠桐村以上六都案乾隆張志有乾阮橋久廢無考疑即礪阮橋復誤

附 道路

縣東官路 自張村一帶凡十餘里雍正十二年大

水冲坍知縣李應機捐焚嗣後知縣顧禮讓設三

才張九華相繼修築道光間復圯邑人倡修

縣北官路 自外卸沿溪天師石至金鐘下游一帶

道光八年知縣朱煌二十八年知縣邢吉甫遞加

禁護道旁古木以憇行人

闔邑山谿環阻石徑崎嶇一當霖潦則衝圯彌甚

自城隅外其逶遠諸鄉修治所不及者多矣四垂

有義士庶其隨時補築稍勉率以成康莊乎

景甯縣志

卷之二 建置

道路

共

坊表

言坊行表載在禮經沒世之稱令名斯貴古今來

所以奮興百世者固在於宏偉業砥貞操也宋明

之際科第蟬聯諸君子後先建堅固已輝映鄉閭

矣至闔筵流芳榮邀綽楔皆足維人心風俗於不

敝為著其遺蹟敦名節者於是深仰止之恩

宋

三世科名坊

在縣東

案舊志並潘琴諸坊俱作縣南今正為進士潘

特竦潘曾潘宗昭立今存

明

開國名賢坊 在縣西為進士梁以孜立

青雲坊 在縣北為舉人葉公慎立

崇賢坊 在縣南為舉人潘流清立

亞魁坊 在縣東為舉人潘琴立今存

案今青田志載登雲坊為

潘琴建疑係鄉薦時邑未分治其建坊初在於青也

進士坊 在縣東為進士潘琴立今存

達尊坊 在縣東為致仕興化府知府潘琴立今存

進士坊 在縣北為進士李琮立

兄弟方伯坊 在縣北為布政使李琮李璋立

父子進士坊 在縣北為進士李璋李鐸立

景甯縣志

卷之二建置

坊表

堯

應奎坊 在縣北為舉人陳金立

天府先登坊 在縣北為舉人潘援立

玉堂金馬坊

在縣北

附郭

為翰林院編修潘辰立

清卿坊 在縣南為太常寺少卿潘辰立

錦衣坊 在縣南為錦衣衛指揮葉廣立

錦衣肇顯坊 在縣北為指揮葉廣立

錦衣世勲坊 在縣北為指揮葉廣葉蕃葉鳳儀立

貞節坊 在縣北莘田為陳驥妻王氏立今存

國朝

節孝坊 一在縣北學前為儒童梁有鳳妻梅氏立

一在縣東橋井邊為湯仁蒼妻潘氏立 一在  
 縣西下橋前為生員湯適中妻潘氏立 一在一  
 都渤海為生員陳仕元妻徐氏立 一在三都盧  
 山為儒童吳晉侯妻褚氏立 一在廬山為生員  
 吳光祖妻劉氏立 一在四都沙灣為生員葉上  
 蘭妻張氏立 一在庫頭為儒童陳作鈎妻毛氏  
 立以上舊志 一在縣左後阡為儒童潘宗智妻任氏  
 男監生潘後達妻康氏立 一在一都渤海為儒  
 童陳上簡妻楊氏立 一在二都大均為生員李  
 成蹊妻劉氏立 一在三都廬山為廩生吳學亮  
 妻林氏立 一在廬山為儒童吳學復妻柳氏男  
 吳道淑妻任氏立 一在五都小左為儒童嚴起  
 尚妻梅氏立 一在高演為增生任制鎧妻潘氏  
 男庠生任恕妻李氏孫庠生任國瑛妻胡氏立  
 貞孝坊 在六都滌頭為貢生潘繼祖女立以上俱新建

景甯縣志

卷之二 建置 坊表

寺觀

緇黃之區何關民社然而琳宮寶刹據勝溪山果  
祇園布金之有術歟抑福田利益之足多也獨是  
飛錫傳燈真空早悟祝釐賀節典制斯存黜其教  
不廢其人則精舍沙門其稱名自得與洞霄官府  
並傳靈蹟焉

金僊寺 在縣西隔溪一里創自唐貞觀間初名圓

向繼錫崇仙宋咸平元年重建治平二年改今名

壁舊有浮槎以位列相案崇山金僊禪寺興造碑

大殿初謀立漏壁乏材忽天大雨溪石暴躍及出  
一枯槎質甚堅貞通志載續郡志槎長十餘丈而

景甯縣志

卷之二 建置

寺觀

三

圓半之橫於寺前質類沉香形如怪石週一異匠  
剖而碎之疊於壁間成雲霞巖壑之狀中塑大士  
羅漢諸像渾若天成一塵不染元至元二年迄大  
亦奇觀也然今已久失所存

德六年重新修遺有興造碑延祐間復

建浮圖於寺左七層巍壯鐵頂不下萬勛明崇貞

二年修改鐘樓即披有銅鐵二鐘上銅鐵鐘並石

碑諸堂廳宇添建增新為邑庵寺冠山門內多

國朝以來規模依舊知縣李春榮宣麟湖進文李文熊

鄭邦漣相繼興修嗣於咸豐間披雲樓圯同治十

一年朔旦塔頂焚墜十二年知縣周杰修葺兩廊

並重建前殿明知縣鍾夏嵩金僊寺壁浮槎詩寶

塔金僊寺琳林玉帝京宿雲屯畫壁



疊嶂倚雕甍，蟠木龜蛇穴。諸天日月明，夜深僧禮  
斗鐘磬，隔溪聲。邑人潘琴金，僊寺詩。少年湖海  
憶禪關，解組重遊鬢。已班對竹，最宜當戶。月登樓  
尤愛隔溪山，不採物外烟。霞趣誰識，閣中天地寬。  
入世已無塵，土夢杖藜奚憚日。盤桓。國朝臨  
安鄭耿詩：寺號金僊，別一天偶隨鶴步出。溪前鼓  
鐘風送樓臺聳，日月光侵塔影懸。古柏巍巍千載  
翠虬松，寂寂萬年禪。金身丈六開生面，指點芙蓉  
彼岸妍。昌平王萱齡同友人遊金僊寺詩：樓託  
層巒陰暝烟，障流景終晨。坐兀兀忽度炎天，永柱  
香清院落修篁弄，清影雅興及同趣。步履探幽靜  
嘉禾悅歲稔，石磴戒趨猛。陡然異境開，古刹映崇  
嶺。老樹盤虬龍，苔蘚汲藻井。到門禮金僊，可能發  
深省。廿年礙世羅，趨營違素秉。非隱亦非仕，出入  
抱虛警。回首故鄉雲，壯懷廢所聘。秋風空中來，頓  
覺塵慮屏。膜拜謝金僊，此意約畧領。歸來臥空林  
青燈照耿耿。附載寺租田額前明隆慶間知縣  
陳嚴之籍諸寺田官收此寺特存二頃以祝釐自  
國朝乾隆十二年來，歷任陸續撥去田八十八畝，實存  
田一頃十二畝。嗣加舊臨濟堂碧苔庵，超果庵諸

景甯縣志

卷之二 建置 寺觀

三

廢田併寺僧增置，共計額田貳頃玖畝柒分零。除  
同治五年知縣陳德漸撥田壹頃叁拾畝，通詳各  
憲准入雅峯書院外，今尚存田柒拾玖畝零捌毫。  
貳絲內：一、金僊寺戶田捌畝零伍厘陸毫陸絲。  
捌忽。一、臨濟堂戶田肆畝貳分叁厘。一、碧苔  
庵戶田伍拾肆畝貳分零陸毫叁絲捌忽。一、超  
果庵戶田壹拾叁畝貳分壹厘伍毫壹絲肆忽。  
分壹厘伍毫壹絲肆忽。

清修寺 在縣東五里張村唐咸通二年建山門內

左側古柏一株 舊志相圍二丈許高五六丈皮若青銅中空而外糾結如螺狀虬枝

四畧烟髮擁空有鐵鐘一銅鐘一鐵香爐二元天

歷至正間師輔捨田碑二 上鐘鼎碑碣俱詳金石門旁為如存

庵舊時寺門有趙文敏書匾 並潘仕道題東山至字墨蹟均廢無考

國朝乾隆九年知縣黃鈺重建鐘樓五十一一年知縣歐

陽鏡心改修觀音堂嗣後遞多傾圮道光二十二年十月古柏被灾至二十七年改建正殿並前堂

詳庶以次興修遂為城東巨刹案寺前附近舊有石塔今久廢而莫

修路低徊愛翠微訓導方國光清修寺詩跋暑清

佛光遠山深人跡稀誰家臨水畔假坐一披衣

典史李國璽清修寺古柏詩森森千丈柏磔柯多

節目輪囷數十圍四面露筋骨材不中燒燬何况

作琴瑟上生伽備香千歲或聞出每為神所憑童

稚不敢觸稽首叩明神魂夢語忽忽與為梓與將

何如不材木靜海于巨樹詩森森古柏狀似朽

朝映嵐光暮映霞枝扶鐘磬聲應風雨陰移塔影走

龍蛇遊來詎數承天寺化去堪成博望棧我欲披

緇絕塵鞅餘年相伴卧裝裝昌平王靈驗詩我

讀太學中綠槐映講筵從關里遊老樹森參天

撫此賢聖迹矩矱猶存在前無端枯蒼道萬端且綿

綿師資則已矣小憩愛林泉披閱清修勝遊足

景甯縣志

卷之二 建置

寺觀

盤旋松雪書不朽東山蹟焉存惟見一古柏蒼護  
不計年狐狸穴其根雲霞莅其巔蛟龍暴怒起拳  
空枝連鬢宛如方外士俗態刊便娟又知百歲翁  
齒豁頭頂宜我才愧薄植長賦不遇篇對此輪囷  
質自失乃爽然不為不知感不受知者憐千年勁  
挺姿終老層巒巔邑人榮棨雲詩濃黛橫空起  
高盤復下垂緇衣成世蔭翠蓋滿壇儀寺建成通  
舊書傳孟頫遺前朝留存域此樹記何時奔轍峯  
巒勢壁撐鐵石枝盤龍移穴早不構巢遲種即  
山靈護年惟古佛知劫不劫亦無壽無期寄  
託千秋重栽培一本奇名樹關氣運大廈下安危  
鬱鬱般人社森森蜀相祠曾成新作頌臺築其聯  
詩枯郡分蒼幹雅翠處遠陸徒舍窮谷老欲覓賞  
書誰積歲風霜飽空門日月馳他時憑健筆濡染  
上豐碑有清修寺戶額田壹頃參  
拾捌畝柒分陸厘葉毫宋絲叁忽

惠明寺

在縣東十里惠嶺

案舊志作念山唐咸通

二年遷有鐵香爐二

形多毀裂鐵鐘一詳金山久圮

國朝嘉慶十九年僧原來重建正殿齋房至同治四年

僧端岳造後堂左右軒楹並山門前殿重修訓導

顯惠明寺詩惠明山寺入成陳元寒蟬定後鐘

淡淡僧房楊柳月一倉科對山官有惠明寺

澄照寺 在縣南唐咸通二年建宋乾道二年僧師

湛以其地隘遷建於大赤洋距今縣治元季遭兵

燹明成化六年三瑞院僧宏照重建有碑並鐵鐘

詳金石門至

國朝康熙三十八年復焚嗣寺僧次第建造正殿兩廊

前殿規模微遜有待恢拓焉爾邑人潘琴重建澄

景甯縣志 卷之二 建置 寺觀

三

居薄海內外號為名山水者皆有之然而得其人  
則與不得其人則廢與齊民之廢與無以異則夫  
佛道之淺深於世損益之有無始未可一言盡之  
也澄照寺創自唐僧應庵去邑治西南二十里曰  
殿源宋乾道二年丙戌僧師湛以其地隘弗稱相  
今址而遷之請額於朝為金僊澄照寺歷清熙丙  
午始訖工維時樞密葉公賜爵衛國振耀一時其  
仲弟率直大夫繼受寵秩予九世祖官尚書右司  
族祖朝散大夫以子秘書公恩贈隆厚聯官世姻  
金紫輝映捐俸捐廩同贊厥功元季薦罹兵燹僅  
存垣屋鞠為草萊我聖朝隆興民物滋阜否傾而  
泰固其常歟永樂初南明僧希澗閱廢闢理田之  
入於勢家者悉再復未幾又為嗣業者所廢而寺  
之鐘鼓幾弗聞矣西林三瑞院僧宏照少有慧質  
持律甚嚴能聲外章檀施協請刻禱自樹夙夜不  
怠縮浮冗絕葷酒茹苦淡蹈霜露人所不能堪者  
昔身之而不辭未幾產之侵者復入之背者向棟  
之撓者立地者漫漈者飾汚陋蕪穢者豁朗而莊  
嚴成化庚寅而正殿成越六年丙申山門兩廊皆  
拓地而新之又明年丁酉東建樓九間以備方丈

景甯縣志

卷之二 建置

寺觀

肅賓施事之所銖積寸累募銅范大鐘徙舊鐘樓於東南隅門徑庭宇內外明突無不具實如法蒙設繪畫輝彩奪目人以爲宏照不階尺寸而能振立如此雖富家賢子弟籍成業者或不能是於戲世之言佛者皆謂其道宏且遠雖久可不壞何其果興迭廢之無窮耶抑亦果以其人之賢否耶予嘗觀農之治田矣三時之力不廢而不獲有秋者天也力不至而可責之天乎以宏照精堅強毅志在有成譬之挽巨舟上百節之灘愈却愈力而卒於有濟使數百年已墜之業輪奐一新謂非天有以陰相之不可也予以展墓而祠於寺間歲嘗一造嘉宏照之能崇其教也祈國之孫善緣輩請予記其始末俾勒諸石以示其徒使法之

一出衡門百慮寬烟霞穿盡到禪關松蘿虬結攢新翠棟宇翬飛改舊觀嵐氣浮空晴似雨天風吹夢醒猶寒小窻獨坐清無比莫怪問雲久戀山

僉事王華詩朔風肅寒威草木半摧落喜見松柏青山林未蕭索遂爲郊原遊停輿登禪閣禪居斷俗紛幽閒有真樂鳴泉振玉聲羣巒繞屏幙爐香淨晝氤清茗薄燕酌野目盼征雲憑軒看巢鶴少

憇覺心怡百慮俱忘仰顧予縻祿人撫衷良自忤何如高蹈翁奮志凌霄廓 有澄照寺戶額田叁拾伍畝柒柒分玖厘捌毫柒絲

普福寺 在縣北十五里油田唐乾符二年建

國朝嘉慶初年燬於火 舊有銅鐘後移於 嗣寺僧次第

建復 教諭鄭蘭谷遊油田寺秋興詩逸興平分縱

度孤雲落送聲霜薄楓橋初日澹花飛古院午風

清遊人亦被村醪醉染得楓丹處處生 有普福寺戶額田拾柒畝柒分伍厘柒毫

三瑞院 在縣北十里外卸宋紹興四年建元時梁

上產靈芝池内生瑞蓮林中出奇竹故名久廢

金錫庵 在縣南溪洲中金僊寺僧覺宗建有鐵鐘

詳金石門後遞有興修至

國朝道光十三年大水冲圮寺僧重建同治元年被匪

毀折嗣經修復左為客廳廳前邑令李文熊為書松

梵軒額知縣張琢金錫庵詩夾岸溪流傍釣臺牽

妨曳杖來山四面若屏開離城此地饒幽靜吏逸何

超果庵拾畝肆分菜屋淵毫叁絲陸忽在縣西三里許

碧苔庵在縣西三里許苔湖嶺畔金僊寺僧覺空

建有集香樓望鶴橋為城隅勝境至乾隆間漸廢

含山張洲碧苔庵詩一徑杳然深白雲停幽谷藤

花蔓林杪孤烟散蒼麓迴澗一何清危亭下飛瀑

景雷縣志 卷之二 建置 寺觀 三

遠但覺白雲多夏禪周詩杉皮為屋竹為牆鼎

沸松風淪茗香似有蘇門長嘯客清音半落水雲

鄉靜海于巨澗詩陰翳千章密招提院落開嵐

光環杳藹澗溜響澗寺憶題紅葉庵宜識碧苔

修篁搖劍佩叢桂骨樓臺積蘇迷欄畔灣橋跨水

隈山靈潛豹虎禪定護風雷遺社容相過綠林漫

浪猜何時脫塵鞅常聽梵音來邑人柳光華次

韻詩不知幽絕處宛有梵寮開嶺暗松陰合橋喧

澗溜澗科青分密篠破碧踏層苔桂露盈鐘閣花

香滿石臺客尋紅葉路僧在白雲隈戒定燈懸月

聲聞鼓震雷塵機今暫脫慧性舊無猜妙諦吾誰  
印祇應望鶴來陳光顯詩望鶴橋頭路僧棲半  
白雲松關天別是苔徑俗全分古樹含空翠新蟬  
靜晝聞更疑蟾窟近高閣攬秋芬本寺額田詳  
見金僊寺下

罔極庵 在縣南五里香山後一名香山堂久廢舊有銅鐘歷移

在今文廟 詳金石門

棲真庵 距惠明寺里許僧永相建

國朝康熙間重修教諭鄭蘭谷題曰南泉第一峯同治

十一年改建訓導陳元穎棲真庵詩紺壁青岑樹色濃坡陀路轉入深松老僧指點明

攜杖愛說南泉第一峯 有棲真庵戶額田叁拾叁畝伍分壹厘柒毫肆絲玖忽

祥雲庵 在縣南勅木山蒲洋太初僧天然建案太

字疑 祀湯夫人 一名保 明萬曆七年燬於火庵廢

有誤 本庵原坐田額肆拾玖畝零叁厘山稅陸拾壹畝肆分概入清修寺併管有碑

僊巖庵 在舊學後右二十餘步係尼僧室久廢

夢雲庵 在縣南十五里葉源有夢雲庵戶額田拾貳畝捌分陸厘

大隱庵 縣南二十里葉皎明永樂十七年建坊郭

景甯縣志 卷之二 建置 寺觀 三

興教寺 在鶴口唐大中元年建久廢

真寂寺 在霽水唐乾符二年建久廢後改建為今

迴龍庵 原寺租於乾隆間歷任知縣陳聯技張九華陸續撥入包岸鮑岸二渡外今尚存租

叁拾貳畝羅合計凡壹拾陸石有迴龍庵戶田捌畝零伍毫

普覺寺 在葦草舊名葦水元大德八年建前為鐘樓久

圯有銅鐘一石碑二後俱失所在鐵香爐一詳金石門

國朝康熙間重修咸豐九年燬於火同治元年復建訓導

陳元穎普覺寺詩梵王烟鎖蔓藤蘿莫問當年舊

補陀殿角鈴聲寒夜月葦川草色幾婆娑 有普覺寺戶額田伍拾柒畝捌分陸厘玖毫伍絲 以上一都

西阮庵 在包山西阮久廢原庵租肆拾貳羅貳拾捌經歷任知縣分撥入

高公祠文奎閣及崇文  
戶互詳秩祀學校門

水月庵 在大均明時建係尼僧堂有鐵鐘一詳金

國朝同治八年里人重修

惠山堂 在仙姑村兼奉盧敖像舊傳盧道士堂後

異篠叢生居人咸稱之為盧棲竹有惠山堂戶

靈山中隱庵 縣西三十五里明宣德九年建久廢

以上  
二都

普化寺 在廬山唐天佑元年建於

國朝道光間重修鑄銅鐘一見金石門 有普化寺戶

普明閣 在英村普度橋頭有普明閣戶田拾叁畝

景甯縣志 卷之二 建置 寺觀 天

紫雲庵 在葛山有紫雲庵戶田拾畝肆

覺凡庵 在壟下有銅鐘一見金石門 有竹林塢

福惠堂 在木岱根有福惠堂戶額田肆畝壹分伍厘

金竹庵 距福惠堂五里有金竹庵戶額田拾叁畝

木耳庵 在木耳山有木耳庵戶額田肆畝零伍分伍厘

香雲庵 在香爐山有鐵鐘二見金石門 有香雲

龍溪庵 在毛院下有龍溪庵戶額田三畝六分柒厘

劉院庵 在村內有鐵鐘一見金石門 有稱鶴峯寺

峯寺戶額田捌  
畝貳分捌厘

清慶庵 在張院有鐵鐘見金石門 有田肆畝捌

鎮峯庵 在庫頭村隔岸有鐵鐘一見金石門至

國朝順治間復建嘉慶初年添建八角亭於上

盧慶庵 在盧西覓今廢原庵租糧歸金僊寺帶管

明照堂 在秋盧有銅鐘一見金石門有明照堂戶額田貳拾壹畝柒分

叁厘玖毫貳絲玖忽

萬松庵 在院口村高踞山頂有鐵鐘一見金石門最為

幽勝有萬松山戶額田叁拾叁畝零貳厘壹毫肆絲叁忽

和尙庵 在秋盧黃磴口今廢

上堂庵 在湖後東華山接壤慶元有銅鐘一見金石門

明宣德元年建有上堂庵戶坐本邑額田拾壹畝捌分肆厘玖毫坐慶邑額田貳拾

景甯縣志 卷之二建置 寺觀 无

捌畝貳分柒厘陸毫肆絲共合租伍百貳拾捌秤零壹釐

福泉庵 在吳阮有福泉庵戶額田拾叁畝零肆厘有鐵鐘一

福惠堂 在張村有鐵鐘一見金石門至

國朝乾隆五十九年重建有福慧堂戶額田叁拾肆畝貳分叁厘肆毫玖絲

回龍堂 在中村

廣孝堂 距回龍堂半里有廣孝堂戶田貳拾伍畝陸分肆厘陸毫壹絲捌忽

玉林庵 在大地西五里有玉林庵戶田叁拾陸畝叁分捌厘伍毫肆絲叁忽

張墩庵 在張阮有鐵鐘見金一稱普陀寺額田叁畝壹厘

盧公庵 在石壁村有銅鐘一見金石門至

國朝同治四年重建有盧公庵戶額田貳拾壹畝柒分捌厘肆毫



碧僊庵 在葛家地村隔岸久圯至

國朝乾隆六十年復建鐘樓有鐵鐘一見金道光二十

一年重修有碧僊庵戶額田叁拾畝

靈清庵 在下際院有靈清庵戶額田陸畝玖分

時思寺 在大際創自宋紹興名時思院明洪武間

誠意伯劉基書額曰時思道場有銅鐵二鐘詳金石門

山門內為鐘樓宣德元年改院建寺後漸圯壞至

國朝順治三年重建乾隆三十八年僧普覺復修以寺

前有小石塔今俗稱塔頭寺案舊志僅載寺為明

已先是而書額今尚存則寺之由來已久矣有塔頭寺戶額田貳拾叁畝零叁厘陸毫陸絲壹忽

景甯縣志 卷之二建置 寺觀 四

維新庵 在大際彭村

慶雲庵 在高濱水口於

國朝康熙四十年建有鐵鐘一見金石門後燬於火道光三

年重建邑人吳徠松慶雲庵詩欲撲三斗塵須入

自涼既來還思再任曾贊詩一徑入林深地僻

境逾靜揣壺步雲庵小憩挹清景優曇亂芬翠石

隆興寺 在大坵田村有隆興寺戶額田陸畝玖

崇寶庵 在石梯一名寶蒼庵有寶蒼庵戶額田捌畝壹分貳厘

資福庵 在黃桐舊稱居保堂被焚重建身今名黃

桐庵戶額田拾壹畝貳分伍厘貳毫叁絲

萬安院 在鴈溪 有萬安院戶額田拾貳畝

松巖庵 在妙院村後二里許周環石壁中甚敞平

頗稱勝地左有洞甚深為宋何八除崇處 互詳庵

以是創居人并祀何八與胡公帝泰邑士民拈香

頗盛 有松巖戶額田拾伍畝貳

隱居庵 在程田 有僧通敬戶額田拾貳畝

龜齡庵 在魚滌

普福堂 在魚滌 有額田捌畝

永恭庵 在魚滌 有永恭庵戶額田陸畝玖

惠福庵 在上標粗院

景甯縣志 卷之二 建置 寺觀

興福院 在上標即溪洲庵 有額田叁拾捌畝

崇安堂 在上標 有崇安堂戶額田拾畝正

靖光堂 在石笠 有額田叁畝

萬福庵 在東溪墜下 有額田拾肆畝陸

龜山庵 在東塘坳底 有龜山庵戶額田肆畝玖

普光堂 在東院有鐵鐘一 有普光堂

貳毫貳 絲叁忽

崇因庵 在章院村口宋紹定肆年建 有額田貳

黃寮庵 縣南六十里今廢 原庵租於乾隆間知縣

堂並洞天門三元閣其戶額 詳見秩祀門并後茶堂條

米巖庵 在巖下村後久廢 有舊石耳巖庵戶田拾餘畝今撥入金錫庵收

懷孝庵 在滌頭村口咸豐五年七月圯於水 有懷孝庵

戶額田伍畝伍分貳厘同治前年知縣周杰撥入城內東城為歲後祭祀之資

崇善庵 在深洋村有鐵鐘一 見金石門坐額田貳畝壹分肆厘陸毫

壹絲 柒忽

上洋庵 在黃碧見 亦名壁 久廢咸豐間復修

平阮庵 距桃源村五里 舊志作仙山庵有鐵鐘

一見金石門道光間復修 有平阮庵戶田貳畝玖分肆厘伍毫伍絲 以上陸都

案邑諸寺宇自唐創建以來興廢迭乘紀載不無缺畧茲惟即舊存與按籍可稽者備為補輯此外如太師庵玉院連雲寺大禮洋庵等稱名並見鐘款其遺址鮮克知者則亦為作如是觀焉可耳

景甯縣志 卷之二 建置 寺觀 四

附 茶堂

惠泉茶堂 縣東梅莊路旁 原名惠泉庵 康熙五十八年

僧會斐然建久廢 舊有田租道光十年知縣地悉撥入關帝廟

張村茶堂 縣東五里道光間以建東嶽廟於右側

劍屋三楹檢租住守兼施茶水同治元年匪燬尋

於四年將廟租積備重建 租畝見外涼亭一所邑

人潘朝棟獨造

三枝樹茶堂 縣東五里邑生員梅基捐設基址貢

生潘朝棟建遞年撥租貳石俾住守人烹茶同治

六年孫潘 乃溫 重建

梨老茶堂

縣東二十里梨樹嶺脚

基地係梁姓跋

縣胡述文撥山後墩珠租伍石

又茗源吳姓跋

碗窰租壹石 又李山頭吳姓跋梅岐吳姓租貳

梨新茶堂

亦在梨樹嶺脚咸豐十年建

邑人潘乃

堂記邑東十五里名梨樹嶺其嶺脚舊有茶亭何  
茲復有舍舊謀新之舉蓋以舊亭矮小數椽僻立  
路後且住守未得其人以致有名無實徒使行人  
作望海想鮮有知其為亭者予有見於此因思另  
建一亭於當路以為過客息足之便幸有葉君向  
榮徐君廷揚張君學渠各具同心從愿倡助又得  
予族樂捨基地以及里黨尚義輩次第捐貲予始  
誅茅草木擇日興工中央宏建五楹左右軒分兩  
翼前為路廊規模粗備經始於咸豐庚申孟冬越  
次年辛酉初春而功成會同治壬戌西匪兩擾我  
邦亭中椽瓦半歸毀折迨肅清後子仍葺而新之  
噫始事難繼事尤難願後之君子及時以彌縫其

景甯縣志

卷之二建置

寺觀

聖

關更為增置田租俾住守糊口有資而此亭得永  
垂不朽斯誠予所深望也天是為誌坊郭潘祠  
捐跋茶堂基地一所 潘乃訓跋塔城內合租壹  
石 葉向榮跋租離大山後處下又葉基內合租  
壹石 徐廷揚跋租嶺脚蔡頭井酸江頭內合租壹  
石 張學渠跋租嶺脚潘圩內合租壹石 張村潘  
細生跋店基內合租壹石 陽阮魯氏跋窰窰  
雙阮口上蚌桶廟下田租壹石 宜梨新茶堂戶  
額田叁  
認正

慕嶺茶堂

縣南十里舊係石亭有住屋五楹燬於

火道光二十八年貢生潘雲募貲重建同治元年

仍遭匪燬十二年里人倡捐建復舊有跋租

巖下

翰跋租貳石

大條梅似逸跋租壹石壹斗

小

左嚴文進跋租伍斗

竹園下夏湯樂跋租伍斗

石

零 滄邊陳金魁跋租伍斗

又坊郭葉向榮跋租貳

石 潘鼎勳跋租貳石 又蘭商眾跋租貳石  
章元泰捐租叁石 有慕嶺頭茶堂戶額

烏衝橋茶堂 縣南三里 詳見前烏衝橋下

包山亭茶堂 縣西十里同治三年重建 掃口張春 勳跋嶺脚

白麻寮租拾石 有包山亭茶堂戶額田伍畝玖分叁厘貳毫壹絲肆忽

莘嶺茶堂 縣北五里 卽武安王廟 土名油田源 租貳石 石圩租壹石 路

廊下長老灣租貳石 嶺脚官門租貳石 墓門 底租陸斗 鴨蛋坑租叁斗 乾隆十八年知縣

郭邁復撥豕山華公祠租 土名外卸洋湖頭租 叁石伍斗 樟樹橋口租叁石 洋心租貳石伍

斗 雙格坵租貳石伍斗 防邊租壹石伍斗 麥蓬坵租捌斗 圖坵租柒斗 上元頭租壹石

有三元閣戶知縣郭邁移撥華公祠額田捌畝 舊民山貳拾壹畝正 外又續撥黃寮庵租並歸 住守人經收以爲濟

茶與奉值香燈之用

景甯縣志 卷之二 建置 茶堂 圖

外卸茶堂 縣北十里舊在街尾有主義家前久廢

今移建街頭演劇臺後 舊有租壹拾伍石後撥柒 石入外卸義渡尙存土名

大坪圩租捌石 又五顯廟田土名獅子巖門 口租肆石亦歸茶堂收 共額田肆畝伍分

順濟茶庵 在大順口康熙五十五年邑生員馬化

龍張漢臣同里人季敦星建并捐租烹茶除道 有 順濟庵戶額田 陸畝伍分

鮑義亭 在蔡鮑岸里人鮑廷河鮑柏齡鮑大才等

捐建 舊有租拾貳石立鮑義 亭戶以作茶庵之租

佛堂根茶堂 在小順下游里人陳二姓設同治肆

年重建

慈濟茶庵 在大澗北岸里人沈姓建 并置金 後田成

盧栖峽茶堂 在盧栖阮對面嘉慶間建後被燬成

豐元年蘭商范益茂捐貲重建 庵基并并地數處大端沈姓置

壘頭坳茶堂 在鄭阮坳嘉慶間建 里人李鑽磨跋租貳雞前張良

佐跋前後山場共入丈有額田陸分

金山頭茶庵 在金山頭 同治七年里人吳乃成

捐建 又跋金山頭鄭歌田租拾石麻地共陸塊與住守人耕種烹茶濟渴 以上一都

官渡茶亭 在金鐘上游五里 并為渡夫住宿之所

大常亭茶堂 在大常上游里許乾隆四十五年建

亭至道光十五年添建住屋 台商蔡觀賢撥土名外卸紅密前田租拾

景雷縣志 卷之二 建置 茶堂 五

糖以作茶堂濟渴之資 又土名桶背內合田租拾擔撥與大常亭觀音大士供齋之資

漚下亭茶堂 在漚下道旁嘉慶間邑人李鑽磨建

今廢 基地俱壘為田

洪嶺茶堂 在嵐頭半嶺 有額田拾畝分陸厘叁毫壹絲

夫人宮茶堂 在洪嶺頭 有茶堂戶額田柒畝肆分

嵐頭茶庵 接中巒舖 有額田伍畝壹分捌厘捌毫肆絲伍忽 以上二都

福盧茶庵 在七里坳頭 屬三都境 廬山村人建 有額田伍畝叁

分壹厘柒毫陸絲陸忽 以上三都

大地橋茶堂 在大地橋頭雍正間建同治元年里

人重修 陳必榮葉上芝葉天澤同買官莊洋租伍拾秤 立永濟橋戶額田肆畝伍分

玉章茶堂 在玉章村以上四都

青坳茶堂 距謝橋五里有額田柒畝未分

承天坵茶堂 在章阮村外里人章載明湯抱養同建

章阮茶堂 在接龍橋側里人以上五都倡建

北溪茶堂 在湯阮水口乾隆四十七年知縣李大鼎撥黃黎庵租捌拾秤為

住守人濟茶 有湯茶堂戶額田伍畝肆分捌厘又民山壹拾陸畝柒分

過路廊茶堂 在大赤洋朱杜梁三姓捐跋基地壹

石伍斗 朱阮朱啟藻跋租伍斗 碾頭嶺杜宜春跋租伍斗 又澄照寺僧跋租肆石 有過路

廊戶額田貳畝 陸分伍厘貳毫

水亭茶堂 在水亭畔有張家道戶田貳畝陸分貳

景甯縣志 卷之二 建置 茶堂 果

邱墓

漢高帝為信陵君置守冢戶史冊稱之知前賢焉

甌生氣猶存夫豈曰墓門拱木哉噫鑄黃金為禍

不迷華表歸來斲青玉成碑毋令牧童磨滅餘魄

所藏樵採宜禁至如仁昭掩幣百五同春其用心

亦誠足多者蓋憑弔北坵感愜係之矣

宋

孝子潘惟德墓 在縣西石牛山東麓三墩

右司員外郎潘特竦墓 在縣西南俞山

岐國公湯思退墓 在縣西直衝湯山直衝湯山 直衝湯山 直衝湯山 直衝湯山 直衝湯山

封太師  
亦葬此

尙書湯碩墓 在惠明寺側 案康熙雍正志作麗水惠明寺今姑仍前志書

衛國公葉翁墓 在縣

宣義郎潘曾墓 在縣西西村屋後

國學助教潘宗昭墓 在俞山

國學助教湯宗晟墓 在縣西金僊寺後

處士潘抹墓 在縣北莘田井巷 案處士抹即人物志所稱孝子

主簿潘應蒂墓 在石牛山南麓

國子學錄湯驥墓 在縣南三石楓林

縣丞湯有光墓 在北溪

景甯縣志 卷之二建置 邱墓 七

縣尹潘荀龍墓 在縣東清修寺後

總管潘仲龍墓 在清修寺後

千戶潘季龍墓 在清修寺後 案上總管千戶舊選舉缺載今仍秩祀稱

明

縣丞梁以孜墓 在縣南

郡守潘琴墓 在縣南苞鳳山

布政使李琮墓 在縣北嵐頭

副都御史李璋墓 在嵐頭

光祿寺少卿李錚墓 在嵐頭

縣尹潘恒堂墓 在六都徐山後



經閩潘侔墓 在縣西南俞山

學博湯溶墓 在北溪

教授潘恒齋墓 在縣北莘田井巷

縣尹陳桐墓 在一都寺木底

縣尹陳栩墓 在一都東畔庵裏案東畔庵名今不傳

學博陳大紳墓 在縣南橫山頭

學正湯文楷墓 在縣西豸山

教授湯世尹墓 在大洋山

縣尹張文波墓 在一都鶴口金山

處士潘敏節墓 在俞山

景甯縣志 卷之二建置 邱墓 只

處士徐琴墓 在縣西石印山下案徐琴名舊志人物門無考

義士湯汝迪墓 在北溪獅子橋

義士胡岳墓 在縣北莘田

義士陳盪墓 在一都鳳山

監寺陳楷墓 在鳳山案選舉表楷以巴州同知遷光祿監寺舊志作府尹誤

承事陳旭墓 在鳳山案舊志人物列旭為孝子而承事秩缺載

承事陳璽墓 在一都楊山案承事璽名舊志選舉門無考

承運陳侯墓 在一都渤海巖嶺

引禮陳傳墓 在醮嶺

陳貞女墓 在縣南十里俞山墓前舊有連理草

國朝

州尹吳從謙墓 在縣南半月山

縣尹葉天芳墓 在半月山後桃灣

縣尹包景星墓 在縣東張村後洋坪

附 義冢

張村義冢 縣東五里里人沈夢煌置 葬三十函

包山義冢 縣西五里

葉源義冢 縣南二十里葉源處後壟 道光八年邑

人潘朝棟置 葬一百函

外卸義冢 縣北十里雍正七年知縣汪士璜置凡

景甯縣志 卷之二 建置 邱墓 兕

二處 一在舊茶堂後買李姓地頗有吉氣立有主

一在北首大圩高壟原桑園地立石以識與貧而

無主者葬邑人葉永陽董收無主骨骸二百五十

三函 又委人遍諭各鄉皆立義冢 案雍正府志

知縣汪士璜於入年倡置各鄉義冢 凡十九處云

一儒學義扞 縣北外卸 義冢旁 雍正九年奉學憲李

公清植捐購周姓民地置 義扞碑頌 者葬有儒學

案雍正府志明知縣林喬松置義冢 二處一在縣

南一里一在縣北五里康熙張志外卸瀟澤園明

知縣陳錫置隆慶間知縣陳殿之 復修皆久湮而難確指其所在矣

包岸義冢 在包岸陳氏家廟右 陳旭墓誌明里人

陳壘置廣凡八丈 又跋田數畝 嚴祀不廢

警水義冢 在警水街頭雍正間里人鮑姓置 葬五百函

大瀦義冢 在北岸圩里人沈姓置 葬一百九十七函

張阮下義冢 在三洋里人李姓置 葬三十函

盧栖阮義冢 在白巖下里人李思俊置 葬八函

大順口義冢 在桂根圩頭邑人馬化龍置 葬十函

蔡鮑岸義冢 乾隆間里人鮑肅乾置

佛堂根義冢 凡三處道光間里人陳祖英置 以上一都

大均義冢 明嘉靖七年知縣程達置

徐村義冢 在大均徐村後里人李之俊置 葬四十函

沙灣義冢 明嘉靖間知縣程達置 以上二都

葛山義冢 在范莊洋里人何之藻同置 葬五十函

景甯縣志 卷之二建置 義冢 三

英村義冢 在嶺根里人吳作楫置 葬三十餘函

秋盧義冢 里人陳承中置 又與陳培喜各取租拾年葬祭之需

中村義冢 在唐坳山里人吳應聖置

芎岱義冢 凡二處 一在石橋頭里人陳時向置一在新田後里人陳麟書置有租

庫頭義冢 在隔溪道堂下園內陳贊虞置 以上四都

上標義冢 在後莊里人陳廷欽置 係買毛希文地葬六十四函

黃桐排義冢 在嶺頭下里人葉春耀置 葬三十函

程田義冢 在村中央排里人何希元置 葬一百零七函

大滌義冢 在梅山頭里人梅涵置 葬一百一十函

潘山義冢 在潘山坊郭生員葉永升置 以上六都

